

Broj: JN/29-1371/17
Sarajevo, 09.03.2017.godine

Na osnovu člana 8. st. (1), člana 17. stav (1), člana 18. stav (1) Zakona o javnim nabavkama Bosne i Hercegovine (Službeni glasnik BiH br. 39/14), Pravilnika o postupku dodjele ugovora o uslugama iz Aneksa II. Dio B Zakona o javnim nabavkama JU Narodno pozorište, broj: 05-696/15, od 16.03.2015., Plana nabavki JU Narodno pozorište broj: 05-351/17 od 25.01.2017.god. i člana 49. Pravila JU Narodno pozorište (Prečišćeni tekst) broj: 05-2991/14 od 25.09.2014., a u vezi sa potrebom za ugostiteljskim uslugama (kokteli) u JU Narodnog pozorišta Sarajevo za 2017. godinu, Direktorica donosi

ODLUKU O POKRETANJU POSTUPKA NABAVKE USLUGA KOJE SE DODJELJUJU U SKLADU SA ČL. 8. ZJN BIH

1. Odobrava se pokretanje postupka nabavke za vršenje ugostiteljskih usluga (kokteli) u JU Narodnog pozorišta Sarajevo za 2017. godinu, *oznaka*: ugostiteljske usluge **55311000-3**, putem postupka u skladu sa članom 8. stav (1) Zakona o javnim nabavkama Bosne i Hercegovine (Službeni glasnik BiH br. 39/14), nakon čega će se zaključiti okvirni sporazum sa izabranim ponuđačem.
2. Za provođenje postupka javne nabavke, u skladu sa odredbama ZJN BiH, Direktorica JU Narodno pozorište je rješenjem broj:05-379/17 od 26.01.2017.godine imenovala Komisiju, koja je dužna da provede postupak javne nabavke za usluge iz tačke 1. ove odluke, te dati preporuku Direktorici, zajedno sa izvješajem o radu i razlozima za davanje takve preporuke.
3. Sredstva za plaćanje usluge iz tačke 1. ove odluke, predviđena su u Budžetu Kantona Sarajevo za 2017. godinu, na budžetskoj organizaciji JU Narodno pozorište 22020001, konto 613900.
4. Vrijednost javne nabavke po Planu nabavke JU Narodno pozorište za 2016. godinu: do 12.000,00 KM (bez PDV-a).
5. Početak procedure javne nabavke: 09. 03. 2017.godine.
6. Kraj procedure javne nabavke: 09.04.2017.godine.
7. Kriterij koji će se primjenjivati prilikom ocjene ponuda: najniža cijena tehnički zadovoljavajuće ponude.
8. Konačnu odluku o dodjeli ugovora donosi vd direktorica JU Narodno pozorište na osnovu preporuke Komisije za javne nabavke.
9. Ova odluka stupa na snagu danom donošenja.

Obrazloženje


Javna ustanova JU Narodno pozorište je u skladu sa Planom nabavki JU Narodno pozorište za 2017. godinu, broj: 05-351/17 od 25.01.2017.god. i na osnovu potrebe za ugostiteljskim uslugama (kokteli) u JU Narodnog pozorišta Sarajevo za 2017. godinu, odlučila provesti nabavku za vršenje navedenih usluga u iznosu do 12.000,00 KM (bez PDV-a), koju plaća JU Narodno pozorište za predmet nabavke.

JU Narodno pozorište je utvrdila da su sredstva za plaćanje cijene ugovora obezbjedena u Budžetu Kantona Sarajevo za 2017. godinu na budžetskoj organizaciji JU Narodno pozorište 22020001, konto 613900.

Javna nabavka navedenih usluga provešće se primjenjujući postupak u skladu sa članom 8. stav (1) i (2) i u skladu sa Pravilnikom o postupku dodjele ugovora o uslugama iz Aneksa II. Dio B ZJN BiH JU Narodno pozorište broj: 05-696/15, od 16.03.2015., za što je zadužena Komisija za javne nabavke JU Narodno pozorište, koja odgovara za izvršenje gore navedenih poslova i zadataka.

Iz navedenog je odlučeno kao u dispozitivu ove odluke.

za Direktorica
Dipl.ing.arh. Marijela Hašimbegović



PO PUNOMOĆI DIREKTORICA BR. 05-1311/17
OD 07.03.2017

Dostaviti:

-EFS,

-a/a

JN/29-1476/17
Sarajevo, 17.03.2017.godine

Na osnovu člana 70. st. 1., 3. i 6. Zakona o javnim nabavkama Bosne i Hercegovine (Službeni glasnik BiH br. 39/14), odluke o pokretanju postupka nabavke usluga koje se dodjeljuju u skladu sa članom 8 ZJN BiH Broj: JN/29-1371/17 od 09.03.2017.godine Izvještaja i preporuke Komisije za javne nabavke JU Narodno pozorište broj: JN/29-1476/17 od 17.03.2017.godine, Plana nabavki JU Narodno pozorište broj: 05-351/17 od 25.01.2017.god. i člana 49. Pravila JU Narodno pozorište (Prečišćeni tekst) broj: 05-2991/15 od 25.09.2014.god, vd direktorica JU Narodno pozorište donosi

ODLUKU

O IZBORU PONUĐAČA ZA VRŠENJE UGOSTITELJSKIH USLUGA (KOKTELI) JU NARODNO POZORIŠTE SARAJEVO ZA 2017.GODINU

1. Ponuđaču: Restoran „Zlatni lav“ dodjeljuje se ugovor za vršenje ugostiteljskih usluga (kokteli) JU Narodnog pozorišta Sarajevo za 2016. godinu.
2. Ponuđaču: Restoran „Zlatni lav“ koji je ponudio cijenu tehnički zadovoljavajuće ponude za vršenje ugostiteljskih usluga (kokteli) JU Narodnog pozorišta Sarajevo za 2017. godinu dodjeljuje se okvirni sporazum na iznos do 12.000,00 KM bez PDV-a (slovima: dvanaesthiljada)
3. Prijedlog okvirnog sporazuma, kao i prijedlog ugovora o pružanju navedenih usluga dostavit će se na potpis izabranom ponuđaču: „Restoran „Zlatni lav“ po proteku roka od 5 (pet) dana računajući od dana od kada je ponuđač obavješten o izboru najpovoljnije ponude.
4. Okvirni sporazum i pojedinačni ugovori iz t.3. ove odluke zaključit će se u skladu sa Zakonom o obligacionim odnosima i Zakonom o javnim nabavkama BiH.
4. Ova odluka objavit će se na web stranici: www.nps.ba, istovremeno sa upućivanjem ponuđaču u postupku javne nabavke.
5. Realizaciju ove odluke provešće Ekonomsko pravna služba JU Narodno pozorište.
6. Ova odluka stupa na snagu danom donošenja.

Obrazloženje

Javna ustanova JU Narodno pozorište je prema Planu nabavke JU Narodno pozorište za 2017. godinu Broj: 05-351/17 od 25.01.2017.godine i na osnovu iskazane potrebe za vršenje ugostiteljskih usluga (kokteli) JU Narodnog pozorišta Sarajevo za 2017. godinu, provela nabavku za vršenje ugostiteljskih usluga (kokteli) na osnovu Odluke o pokretanju postupka javne nabavke broj: JN/29-1371/17 od 09.03.2017.godine, a za potrebe ove javne ustanove koju plaća JU Narodno pozorište za predmet nabavke. JU Narodno pozorište je utvrdila da su sredstva za plaćanje cijene ugovora obezbjeđena u Budžetu Kantona Sarajevo 2017. godinu na budžetskoj poziciji JU Narodno pozorište: 22020001, konto: 613900. Komisija za javnu nabavku imenovana je Odlukom broj: 05-379/17 od 26.01.2017.godine. Na osnovu provedenog postupka u skladu sa čl. 8 ZJN BiH, dostavljena je jedna potpuna i blagovremena ponuda od ponuđača: Restoran „Zlatni lav“ broj: 1473/17 od 17.03.2017.godine, te na osnovu Zapisnika broj: JN/29-1474/17 od 17.03.2017.godine i preporuke Komisije za javne nabavke, broj: JN/29-1475/17 od 17.03.2017.godine, vd direktorica je odlučila kao u dispozitivu ove odluke.

Direktorica

dipl.ing.arh.Marijela Hašimbegović



Na osnovu provedenog postupka u skladu sa članom 8. ZJN BiH i poslatim Pozivom za dostavu ponude **Restoran "Zlatni lav"** broj JN/29-1372/16 od 09.03.2017.godine, dana 22.03.2017.godine zaključen je

OKVIRNI SPORAZUM

između:

JU NARODNO POZORIŠTE, ul. Obala Kulina Bana 9, kojeg zastupa
direktorica Marijela Hašimbegović, dipl.ing.arh.
(u daljem tekstu **Naručilac**)

IB 4200566570002

i
Restoran „Zlatni lav“, ul.Nikole Šopa br.46, kojeg zastupa direktor
Nebojša Grizelj (u daljem tekstu **Ponudač**)

IB 4300548490004

I PDV 300548490004

TR 1610000006540042 Raiffesien Bank

UVOD

Član 1.

Na osnovu provedenog postupka javne nabavke u skladu sa članom 8. ZJN BiH s namjerom zaključenja okvirnog sporazuma sa jednim ponudačem za razdoblje od jedne godine - do kraja 2017. godine na osnovu člana 32. Zakona o javnim nabavkama JU Narodno Pozorište Sarajevo je odlukom broj: JN/29-1476/17 od 17.03.2017.godine odabralo: Restoran „Zlatni lav“ kao najpovoljnijeg ponuđača u skladu sa utvrđenim kriterijima za donošenje odluke o izboru te uvjetima i zahtjevima iz Poziva sa dostavljanje ponude.

Član 2.

Na osnovu ovog okvirnog sporazuma naručilac će izdati narudžbenicu za vršenje ugostiteljskih usluga (kokteli) u 2017. godini, za svaku ukazanu potrebu za predmetnim uslugama prema Pozivu za dostavljanje ponuda broj JN/29-1372/17 od 09.03.2017.godine, prema Obrascu za cijenu ponude, a prema Ponudi Ponuđača broj: 1473/17 od 17.03.2017.godine koja je sastavni dio ovog sporazuma.

PREDMET I TRAJANJE OKVIRNOG SPORAZUMA

Član 3.

(1) Predmet okvirnog sporazuma je utvrđivanja uslova za izdavanje narudžbenica o javnoj nabavci predmetnih usluga prema Pozivu za dostavljanje ponuda broj JN/29-1372/17 od 09.03.2017.godine, za potrebe naručioca, a prema Obrascu sa cijenama koji se nalazi u prilogu ovog okvirnog sporazuma i čini njen sastavni dio.
(2) Ovaj okvirni sporazum se zaključuje za razdoblje od jedne godine - do kraja 2017. godine i tokom navedenog perioda se predviđa izdavanje narudžbenica o javnoj nabavci od strane naručioca kojim će se tačno navesti usluga, vrijeme i mjesto vršenja usluge.

II PROCJENJENA VRIJEDNOST NABAVKE

Član 4.
Procjenjena vrijednost godišnje nabavke predmetne usluge se procjenjuje na iznos do 12.000,00 KM (slovima: dvanaest hiljada KM) bez PDV-a.

Član 5.
Naručilac će na osnovu okvirnog sporazuma izdati pojedinačnu narudžbenicu ponuđaču s kojim je zaključen okvirni sporazum.
Ponuđač je dužan da uslugu izvrši pod uslovima utvrđenim ovim sporazumom bez ponovnog zahtjeva za dostavu ponuda i po cijenama i uslovima utvrđenim ovim sporazumom.

Član 6.
Vrijednost naručene usluge iz člana 4. ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne usluge i dinamika vršenja usluga.

Član 7.
Jedinične cijene koje je ponuđač ponudio su nepromjenljive i ne mogu se mijenjati u toku trajanja okvirnog sporazuma.

Član 8.
Naručilac se ne obavezuje naručiti sve usluge do procjenjenog godišnjeg iznosa navedenog u ovom sporazumu.
Okvirni sporazum ne predstavlja ugovor o vršenju usluga, odnosno ne utvrđuje obavezu naručioca da zahtjeva od ponuđača bilo koju uslugu, već se podrazumjeva da ako naručiocu bude potrebna usluga navedena u specifikaciji sa cjenama tada će naručilac tražiti od ponuđača izvršenje usluge.

III ROK ISPORUKE

Član 9.

Ponuđač se obavezuje izvršiti Uslugu iz člana 2. ovog Okvirnog sporazuma u obimu preciziranom pojedinačnom narudžbom naručioca i dana navedenog u narudžbenici.

IV ROK I NAČIN PLAĆANJA

Član 10.

Naručilac se obavezuje Uslugu iz člana 1 ovog Okvirnog sporazuma platiti Ponuđaču u roku od 30 (trideset) dana od dana vršenja Usluge od strane Restorana „Zlatni lav“ na osnovu fakture koju je obavezan ispostaviti Naručilac.

VI OSTALE ODREDBE

Član 11.

U slučaju propusta Restorana „Zlatni lav“ u izvršavanju ugovora, JU Narodno pozorište Sarajevo može uz dostavljanje Ponuđaču pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 12.

Rok trajanja ovog Okvirnog sporazuma utvrđuje se razdoblje od jedne (1) godine - do kraja 2016. godine računajući od dana obostranog potpisa ovog Okvirnog sporazuma, ili po isteku vrijednosti Sporazuma.

Član 13.

Svaka strana može otkazati ovaj sporazum bez obrazloženja sa otkaznim rokom od 30 (trideset) dana.

Član 14.

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

Član 15

Strane potpisnice ovog sporazuma su saglasne da će sve eventualne izmjene i dopune ovog Okvirnog sporazuma regulisati njegovim Anexima.

Član 16.

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 17.

Ovaj Okvirni sporazum stupa na snagu danom obostranog potpisa obje strana po ovlaštenim licima.

Član 18.

Sve izmjene i dopune ovog Okvirnog sporazuma mogu se vršiti isključivo i samo uz pismenu saglasnost ugovornih strana.

Član 19.

Sastavni dio ovog Okvirnog sporazuma čine: Specifikacija sa cijenom iz Ponude Restorana „Zlatni lav“ broj: 1473/17 od 17.03.2017.godine.

Član 20.

Ovaj Okvirni sporazum je sačinjen u 4 (četiri) jednakih primjeraka od kojih naručilac zadržava 2 (dva), a 2 (dva) primjerka se uručuju ponuđaču.

Za ponuđača
DIREKTOR

Broj: 05-P-17
Sarajevo, 22.03.2017.

Za naručioca:
DIREKTOR

Broj: JN/29-1549/17
Sarajevo, 22.03.2017.g.